



Universitätsbibliothek Paderborn

Opusculum Theologico-Canonicum De Sponsalibus

Kugler, Johann

Norimbergæ, 1705

Quæstio I. ex num. 4. An pro sponsalibus requiratur libertas formalis, & directa, ità ut promissio ebrij; aut amentis, licet priùs prævisa, non constituat Sponsalia?

urn:nbn:de:hbz:466:1-40883

§. II.

Quæstiones magis disputabiles circa hactenus dicta.

QUÆSTIO I. ex num. 4.

An pro sponsalibus requiratur libertas formalis, & directa, ita ut promissio ebrij; aut amentis, licet prius prævisa, non constituat Sponsalia?

25. **A**ffirmativa communis est, & vera, eamque tenet Sanchez l. I. D. 8. n. 20. & alij ab eo citati. Palau D. I. punto 2. n. 5. Gonzalez super c. *Dilectus de Sponsal.* citans Vasquesum, & Pontium. Mastrius *Disp.* 7. de matrim. *Sacr.* n. 115. cum Aversa, & Caspensi. Oberascher & alij. Assertioni favent cap. *Dilectus* 24. de *Sponsal.* & c. *Neque furiosus* 26. *XXXIIl.* q. 7. & l. 8. ff. de *Sponsal.* quibus locis furiosus celebrandi contractus matrimonialis simpliciter incapax declaratur. 2º. Praxis tribunalium omnes contractus improbare sollet, & irritare testamenta, si constet haec facta esse in ebrietate, aut amentia; nec inquirit utrum ante ebrietatem, vel amentiam fuerint prævisa, aut intenta. 3º. Pro Administratione Sacramenti non sufficit libertas indirecta, vel in causa; quia ejus minister debet agere more humano: Unde absolutio, data ab ebrio, quamvis ante prævisa, aut intenta, esset irrita; ergo idem dicendum de ministro contractus Sponsalitij. 4º.

B 3

Pro-

Promissio DEO facta, seu votum requirit libertatem directam, nec sufficit indirecta in causa, seu purè interpretativa, ut ostendit *Suar. tom. 2. de Relig. tr. 6. l. 1. de Votoc. 10. Laym. l. 4. tr. 4. c. 1. n. 4.* & hoc teste communis sententia, Ergo etiam promissio facta homini: unde bene *Il Sung Tr. 6. D. 1. n. 14.* inquit: Actio extrerna, quæ non fit modo humano, nihil valet, ideo etiam promissio sive DEO, sive homini facta, nullam vim habet obligandi. Idem probat *Tr. 5. D. 1. n. 87.*

26. Ob. 1. Juxta c. *Majores* 3. §. Itēm de *Bapt.* valet baptismus amenti, aut dormienti collatus, dummodo priūs fuerit petitus. ergo pariter valebit promissio ebrij, antea prævisa, aut intenta. R. C. antec. N. Conseq. quia plus requiritur ad efficiendum, quàm ad purè recipiendum, unde etiam infantes sine omni actu humano validè baptizantur. 2º Collatio talis baptissimi est adhuc actio humana, non autem promissio ebrij.

27. Ob. 2. Homicidium ab ebrio commissum sufficienter est voluntarium, dummodo fuerit prævisum, aut in causa volitum. Ergo etiam sufficienter erit voluntaria promissio matrimonij ab ebrio facta, dummodo præviderit, quod in ebrietate tales promissiones facere soleat. Prob. conseq. libertas quæ sufficit pro peccato mortali, etiam sufficit pro Sponsalibus juxta num. 6. ergo R. N. Conseq. disparitas est 1º quia prior verè vult realem, & veram occisionem, saltēm in causa, & indirecte: alter autem indirecte, & imputa-

putativè vult sola verba externa , quæ solet in ebrietate proferre , quæ nudè accepta , non sunt vera promissio , habens vim obligandi ; aliàs etiam psittacus promittere posset ; aut homo per psittacum , à se instructum verba promissoria profarentem : neque dari posset ulla promissio ficta.

2º. *Malitia* homicidij consistit in voluntate interna , sive directa , sive indirecta ; aut interpretativa ; cùm feratur in rem prohibitam , & proximo perniciosa , quæ malitia commissa , potest extrinsecè denominare actum externum , tanquam sui completivum , quamvis hic malitiā nullam de novo addat , ita ut coram DEO idem peccatum esset commisum , quamvis actualis occisio non sequeretur. Promissio autem ebrij , neque de se obligatoria est , neque ullus actus præcessit *obligatorius* , aut intendens obligacionem , ex quo verbalis illa promissio vim obligandi haberet. 3º. Externa illa occisio , coram DEO jam mala est extrinsecè , & denominativè ; quia voluntaria ; verba ebrij autem nullo modo sunt promissio : Nam *promissio est volitio* , quâ se quis alteri vult obligare humano , & rationabili modo manifestata : atqui talis ebrius non voluit se obligare , licet præviderit , quod in ebrietate verba talia prolatus sit , quibus prudentes homines solent suam voluntatem explicare ; & licet voluntatem se obligandi habuisset ; non manifestat eam humano , & rationabili modo , prout requiritur ad promissionem homini factam , ergo. 4º. Plùs requiritur ad bonum , quale est promissio , quod debet esse tale ex in-

egra causa, quām ad malum, quod est tale ex quolibet defectu ita Suar. Sanchez Oherascher. Ad probat: R. 1^o. indirecte, ergo talis libertas etiam sufficiet pro voto, vel pro administratione Sacramenti. R. 2^o. libertas formalis, & immediata, quae sufficit pro peccato mortali, etiam sufficit pro Sponsalibus; (id est pro his non requiritur major advertentia, & consideratio quām pro illis) C. sufficit sic libertas indirecta, & mediata, vel in causa N.

28. Replic. qui diceret: *Promitto tibi matrimonium, si in ebrietate dixerim, quod te velim in uxorem habere*, ille verē obligaretur, si postmodum in ebrietate, prædicta verba pronuntiaret, ergo sufficit libertas mediata, validaque sunt Sponsalia ebrij. R. C. antec. N. suppositum Consequentis: nam hæc non est libertas mediata, sed immediate, & extra ebrietatem talis promittit, & voluntatem se obligandi more humano manifestat; adeoque contrahit jam prius Sponsalia; sed conditionata: unde verba postmodum in ebrietate sequita, non sunt Sponsalia, sed conditio promissionis prius factæ, à cuius purificatione dependebat obligatio. Sicut si quis voveret abstinere à vino, si in ebrietate blasphemaverit, subsecutæ postmodum blasphemiae non sunt ipsum votum, sed conditio voti.

29. Obi. 3. Juxta num. 12. valent Sponsalia contracta per Procuratorem, quo casu contrahens sive dormiat, sive ebrius sit, verē obligari incipit, eo instanti, quo Procurator contractum perficit. ergo etiam obligabitur, qui vult contrahere

here per verba in ebrietate prolatā. **R.** C. Antec. N. Conseq. quia prior moraliter vigilat, & formaliter liber est, in suo vicario: Nam potest quis per alium, quod potest facere per se ipsum. **R.** f. 68. in 6. alter nullam exercet libertatem, nec prius supponitur habuisse voluntatem se obligandi, humano modo manifestatam; nisi prius conditionatē se obligasset, juxta dicta n. præced.

30. Ob. 4. Qui in ebrietate suscipit ordines sacros, prius petitos, hoc ipso obligatur ad votum castitatis, si scivit illud Sacro ordini ex præcepto Ecclesiæ esse annexum; ergo etiam qui vult ebrietatem, in qua prævidet promissionem Sponsalium, eo ipso censebitur Sponsalia contrahere. **R.** C. antec. N. Conseq. Quia prior hoc ipso obligationi voti se liberè subjicit; quod ordines petiverit, quibus eam scit esse annexam; ebrietati autem non est annexa vis obligatoria Sponsaliorum, neque eam tribuunt pura verba, præsertim non prolatā modo rationali, & humano.

31. Ob. 5. Actualiter promittentes sæpe sic distrahuntur, ut non habeant formalem voluntatem se obligandi; nec obligationem advertant, & tamen verè obligantur, ergo non requiritur formalis libertas, aut voluntas se obligandi. **R.** permisso antec. D. Conseq. ergo non requiritur formalis libertas physicè in se præsens, vel reflexè, & signatè cognita (non requiritur physicè præterita, in suo tamen effectu virtualiter saltèm perseverans, in quantum vel ex vi, & virtute illius procedit effectus, vel ipsa adhuc in tenui

reminiscientia durat, licet propter distractionem non advertatur N. Conseq. Nam hic discurrendum est, sicut discurrent Theologi de intentione pro Sacramenti administratione requisita; dum docent, sufficere virtualem, non autem habitualem, qualis potest dari in ebrio.

Quæstio II.

An valida sint Sponsalia ex gravi metu contraria?

Ex num. 4.

32. **M**agi momenti hæc quæstio est; nam si non valeant talia Sponsalia; poterit sic coactus pro libitu vovere castitatem, vel cælibatum, suscipere ordines, contrahere cum alia; nec obstrictus erit impedimento publicæ honestatis &c. Ad meliorem quæstionis intelligentiam Praenotandum est, alium dari metum levem, qui facile contemnitur; alium gravem, qui cadit in virum constantem; rursum aliis est justus, seu justè incussus à lege, aut Magistratu, v. g. in pænam admissi sceleris, (quamvis Juristæ per metum *justum*; gravem intelligent) aliis est iinjustus, seu injustè per injuriam, vel innocentè incussus.

33. Gravis censetur, metus mortis, mutilationis, verberum, cruciatus Corporis, servitutis, stupri, amissionis omnium bonorum, vel majoris partis, carcerum & vinculorum; infamia non facile delebilis; injustæ excommuni-

catio-